



HE KETE MANARUA TE AO HAKA



KAUPAE 2

91983 | Te urupare ki tētahi whakaaturanga o Te Ao Haka.
(Ngā Whiwhinga: E 4)

Te Rā Tuku Aromatawai ā-Waho: I mua i te Wāhanga 4 - Te 28 o Oketopa, 2026.



NZQA


Mana Tohu Mātauranga o Aotearoa
New Zealand Qualifications Authority

Te Whārangi Ihirangi

He Kete Manarua.....	2
----------------------	---

91983 Te urupare ki tētahi whakaaturanga o Te Ao Haka.

Te Tūmahi Aromatawai ā-Waho	4
Te Whakamāhukitanga	4
Ngā Tohutohu.....	4
Te Whakatakotoranga Aromatawai ā-Waho	4
He Whakamāramatanga 2 (mai i te Paerewa Paetae).....	5
He Whakamāramatanga 3.....	5
Te Wetewete i te Paerewa Paetae	6
Te Paerewa Paetae	7
Te Tautuhinga Aromatawai ā-Waho	9
Te Whakatakotoranga Aromatawai ā-Waho	9
Ngā Herenga Aromatawai ā-Waho	10
Te Motuhēhē o ngā mahi o ngā ākonga	10
Te Tāpaetanga me te Hāponotanga.....	11
Te Mahere Aromatawai ā-waho	12



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te whakaahua o te uhi o mua:

Nō Kiriana O'Connell. 'Pūkeātua |Matariki 2023.' Nā @public_record_ te whakaahua ki Instagram (2023). https://www.instagram.com/p/CvQfS5wybHD/?img_index=3&igsh=MW1manhxYXlzaXF2. Photograph by @lizclarksonphoto.



Te Ao Haka

91983 Te urupare ki tētahi whakaaturanga o Te Ao Haka.

(Te Kaupae 2, Ngā Whiwhinga e 4)

Āta pānuitia, āta tirohia, āta whakaarohia ake hoki ngā tohutohu mō tēnei aromatawai ā-Waho ā-waho. Kaua e tukua kia noho tārewa tētahi wāhanga, engari whāia tonutia kia ita.

Kairangi	Kaiaka	Paetae
Te whakamāori i tētahi whakaaturanga o Te Ao Haka.	Te huritao i tētahi whakaaturanga o Te Ao Haka.	Te urupare ki tētahi whakaaturanga o Te Ao Haka.

Te Tūmahi Aromatawai ā-Waho

Te Whakamāhukitanga

Me tuku e te ākonga **tētahi tuhingaroa** e whakamārama ana i tōna mōhio me tōna mārama ki ngā kaupapa/huānga me ngā āhuatanga tāpua i roto i **TĒTAHI** tūnga kapa haka nō **Te Matatini o Te Kāhui Maunga 2025**.

Ngā Tohutohu

Me tuhi mai e te ākonga tētahi tuhingaroa e urupare atu ana ki tētahi tūnga o Te Ao Haka nō Te Matatini o Te Kāhui Maunga 2025.

- Me whakarere te ākonga i ētahi kōrero mō te tūnga Kapa Haka, i tū ki **Te Matatini o Te Kāhui Maunga**.
- Kia kaua e iti iho i te **300 kupu** te roa o te tuhinga roa, ā, kia kaua e neke atu i te **400 kupu**, e whakamārama ana i tana mōhio ki ngā Kaupapa/Huānga me ngā Ahuatanga Tāpua kei roto i tēnei tūnga Kapa Haka.
- Me whiriwhiri e ngā ākonga ngā Kaupapa me ngā āhuatanga tāpua kei ngā **rārangi e whai ake nei**.
- Me wānanga ngā ākonga i ngā ritenga me ngā rerekētanga o te tūnga kua tohua, te whakamahinga o ngā Kaupapa me ngā Āhuatanga Tāpua, kātahi ka tukua mai i mua i te **28 o Oketopa, 2026**.



Te Whakatakotoranga Aromatawai ā-Waho

Mā te ākonga e tīpako tētahi tūnga o Te Ao Haka, nō Te Matatini o Te Kāhui Maunga. Ka whakamāramahia e te ākonga ngā āhuatanga tāpua me ngā kaupapa i te tūmomo tūnga i kōwhiria e ia.

Me whiriwhiri e te ākonga kia **KOTAHI** te tūnga hei urupare, hei whakamārama, hei tātari mai māna i tētahi tuhinga. Ko ngā kai i tēnei tuhinga, kia kaua e iti iho i ngā āhuatanga tāpua e **RUA**, kia kaua hoki e iti iho i ngā kaupapa e **RUA** i tēnei tuhinga, kia kitea te mōhio me te mārama o te whakamahinga o ēnei āhuatanga i roto i ēnei tūnga nei.

Ka whai wāhi atu ngā ākonga ki ngā whakaaturanga/kapa haka, ā, ka āhei ana te whakamahi āna whakaaturanga ki tāna e pai ai.

He Whakamāramatanga 2 (mai i te Paerewa Paetae)

Te urupare atu ki tētahi tūnga nō te ao haka mā te:

- » whakamārama i ngā kōrero o te tūnga nei.
- » whakatakoto whakaaro ki te tirohanga a te kaimātakitaki.

Te whai whakaaro ki tētahi tūnga nō te ao haka mā te:

- » matapaki i te whakamahinga o ngā āhuatanga tāpua hei whakatairanga i ngā āhuatanga tāpua motuhake o roto.
- » here i ngā urupare i te tirohanga a te kaimātakitaki ki ngā huānga i whakamahia ai.

Te whakamāori i tētahi tūnga nō te ao haka mā te:

- » here i ngā whakaaro me ngā kaupapa matua i te tirohanga a te kaimātakitaki ki ngā wheako me ngā āhuatanga e mōhio nei te ākonga, e mātau nei hoki te ākonga.

He Whakamāramatanga 3

Ko ngā āhuatanga tāpua, ko ngā āhuatanga motuhake me ngā āhuatanga motuhenga i roto i Te Ao Haka kei ngā pekanga katoa, heoi anō, kāore pea e kitea i ngā wā katoa.

- | | |
|---------------------|--------------------|
| • te wiri, | • te pūkana |
| • te rere o te poi, | • te whakakai |
| • te takahi, | • te tūwaewae |
| • te tū, | • te mahinga rākau |
| • te reo/hāngū, | • te nekehanga |

Whakamahia ngā kaupapa kei raro iho nei hei whakautu mā te ākonga:

- | | |
|---------------|-----------------|
| » Te takahi, | » te tūwaewae |
| » te tū, | » te nekehanga, |
| » te whakakai | » te reo/hāngū. |

He Whakamāramatanga 3

He āhuatanga motuhake ngā kaupapa e noho mai ana i roto i te tū, heoi, kaore e whāiti ana ki te horopaki o Te Ao Haka anake.

Anei ētahi tauira o ngā Kaupapa:

- Te tere,
- ngā taineke,
- te whakatau,
- te reo,
- te tirohanga.

Whakamahia kia ngā kaupapa kei raro iho nei hei āwhina i tō whakautu:

- | | |
|-----------------|----------------|
| » Te whakatau, | » te huahuatau |
| » te rangi, | » te tere, |
| » te tirohanga, | » te hiringa. |

Te Wetewete i te Paerewa Paetae

Ko ngā mahi a te ākonga i te Kete Manarua nei, he tūhura, he wherawhera hoki i tōna tūranga i roto i ngā mahi whakaora me te whakarauora i tōna ao Māori. Ka rangahaua e te ākonga ngā auahatanga me ngā whakarākeitanga e ai ki tā te kaimātakitaki titiro. Ka tukuna ōna whakaaro ki te tūnga mā te tātari i ngā āhuatanga tāpua me ngā kaupapa/huānga.

Me tūhura, me wherawhera anō ngā ākonga i te tūāpapa o Te Ao Haka i te Taumata 2. Kei ngā kai o ngā whakamātautau ā-roto ētahi hua hei whakapakari i te taha auaha me te taha hinengaro o te ākonga.

Ngā Heipūtanga

Ko te taunakitanga o tēnei paerewa paetae, ko te tuhingaroa a te ākonga. Kia whai wāhi mai ēnei mea e whai ake nei:

- Kia kaua e iti iho i te **300 kupu** te roa, kia kaua hoki e neke atu i te **400 kupu**.
- Me whai tohutoro ngā whakaaturanga, ngā pikitia me ngā rauemi katoa.
- Me whai te tuhinga nei i te tāhū, i te kōrero whakataki, i te rangahau, i te pātai, i te kōrero whakatepe, i te tohutoro anō hoki.
- Me motuhenga te mahi a te ākonga, ā, me tuku ngā mahi i mua i te rā whakamutunga **28 Oketopa, 2026**.

MĀTĀPUNA

Whakaata Māori (Māori Television). TVNZ AND WHAKAATA MĀORI PARTNER TO BRING TE MATATINI TO AUDIENCES LIVE AND FREE-TO-AIR. <https://www.whakaatamaori.co.nz/media-releases/tvnz-and-whakaata-maori-partner-to-bring-te-matatini-to-audiences-live-and-free-to-air>. (30 January, 2025).

Te Paerewa Paetae

Tau

AS91983

Putanga

3

Whārangi 2 o te 2

Paerewa Paetae

Aronga

Te Ao Haka 2.4

Ingoa

Te urupare ki tētahi whakaaturanga o Te Ao Haka

Kaupae

2

Whiwhinga

4

Aromatawai

Ā-waho

Marau akoranga

Māori Performing Arts

Kokonga
akoranga

Te Ao Haka

Mana rēhita

Kua rēhitatia

Te rā i mana ai

Hepetema 2025

Te rā e arotakengia ai

Tīhema 2030

Te rā i puta ai

Tīhema 2025

Ka urupare ngā ākonga ki tētahi whakaaturanga o Te Ao Haka.

Paearu Paetae

Paetae	Kaiaka	Kairangi
Te urupare ki tētahi whakaaturanga o Te Ao Haka.	Te huritao ki tētahi whakaaturanga o Te Ao Haka.	Te whakamāori i tētahi whakaaturanga o Te Ao Haka.

Kōrero Āpiti

- I ahu mai tēnei Paerewa Paetae i te *New Zealand Curriculum*, Learning Media, Ministry of Education, 2007, ā, ka hāngai ki ngā whāinga o ngā Whakaaro Whānui ki Taumata 7 o te *Tukutuku Ako o Te Ao Haka ki ngā Taumata 6, 7*,
8. [<https://ncea.education.govt.nz/arts/te-ao-haka?view=learning>].
- Ka whai wāhi ki te *urupare ki tētahi whakaaturanga o Te Ao Haka*:
 - te whakaahua i te kōrero o te whakaaturanga
 - te mau i te urupare whaiaro hei kaimātakitaki.

Ka whai wāhi ki te *huritao ki tētahi whakaaturanga o Te Ao Haka*:

 - te matapaki i te āhua o tā te whakaaturanga whakamahi i ngā āhuatanga tāpua me ngā huānga hei whakaari i te kōrero.

Ka whai wāhi ki te *whakamāori i tētahi whakaaturanga o Te Ao Haka*:

 - te whakahonohono i te urupare hei kaimātakitaki ki te tirohanga whaiaro rānei, ki ngā wheako whaiaro rānei.

Tau AS91983 **Putanga** 3 **Whārangi** 2 o te 2

- 3 Ko ngā *āhuetanga tāpua* ko ngā kura motuhake, ngā kura kōhure hoki e kitea ana puta noa i ngā pekanga, ahakoa kāore pea e kitea i ngā pekanga katoa i ngā wā katoa.

Ko ētahi tauira o ngā āhuetanga tāpua ko:

- te wiri
- te rere (o te poi)
- te takahi
- te tū
- te reo me te hāngū
- te pūkana
- te whakakai
- te tūwaewae
- te mahinga rākau
- te tū ā-kapa.

- 4 Ko ngā *huānga* he āhuetanga nō tētahi titonga rānei, nō tētahi whakaaturanga rānei ka kitea i Te Ao Haka engari kāore e kitea ana ki reira anake.

Ko ētahi o ngā tauira o ngā huānga ko:

- te tere
- ngā taineke
- te whakatau
- te reo
- te tirohanga.

Ka kitea tētahi rārangi tōtōpū o ngā huānga ki te Kuputaka o Te Ao Haka:

<https://ncea.education.govt.nz/arts/te-ao-haka?view=subject-glossary>

Tātari Kounga

- 1 Me mātua whakaae ngā kura me ngā whare mātauranga e te Mana Tohu Mātauranga o Aotearoa kia whakahaere aromatawai i mua i tā rātou rēhita i ngā whiwhinga i ngā aromatawai i te taha o ngā paerewa paetae.
- 2 Me pāhekoheko rawa ngā kura me ngā whare mātauranga, kua whakaaetia tā rātou aromatawai, ki te pūnaha mātairua e hāngai ana ki aua paerewa paetae.

Te tohutoro mō ngā Here o te Tuku Whakaaetanga me te Mātairuatanga (CMR) 0233.

Te Tautuhinga Aromatawai ā-Waho



Te Paerewa Paetae	91983
Te Ingoa o te Paerewa Paetae	Te urupare ki tētahi whakaaturanga o Te Ao Haka
Ngā whiwhinga	E 4
Te Marau	New Zealand Curriculum, Kaupapa Ako Māori: Te Ao Haka
Te Wāhanga Ako	Te Tukutuku Ako
Te Tukanga Aromatawai ā-Waho	He Kete Manarua
Ngā Momo Tāpaetanga ā-Matihiko	He konae tuhituhi – .PDF (1-5 whārangi)
Te Rā Tuku Aromatawai ā-Waho	Te 28 o Oketopa 2026
Ngā Wātaka Aromatawai ā-Waho	1. Ngā Rā Aromatawai 2026 2. 2026 Examination Timetable

Te Whakatakotoranga Aromatawai ā-Waho

Me whiriwhiri te ākonga kia **KOTAHI** te pekanga/tūnga Kapa Haka mai i **Te Matatini o Te Kāhui Maunga**.

Ka whakatau te ākonga i tōna mōhio me tōna mārama ki ngā **huānga (Ngā Kaupapa)** me ngā **āhuatanga tāpua** mā roto mai i ngā tūnga kua whiria e te ākonga.

Me tuku mai e te ākonga tētahi tuhingaroa e kōrero ana mō te pekanga/tūnga kotahi. Ko ngā whakamahukitanga o tēnei tuhinga, kia kaua e iti iho i te **RUA** o ngā āhuatanga tāpua, kia kaua anō e iti iho i te **RUA** o ngā huānga.

Tirohia te kuputaka marau o Te Ao Haka mō ngā kupu whakamārama o ngā huānga me ngā āhuatanga tāpua ([Te Ao Haka | NCEA \(education.govt.nz\)](#)).

Kia kaua e iti iho i te **300 kupu**, kaore rānei e whānui ake i te **400 kupu** mō tēnei tuhingaroa i te reo Māori, i te reo Pākēhā rānei.

Tēnā tirohia te Kete Manarua i te paetukutuku nei - [He Kete Manarua](#).

Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākonga. Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai ā-waho. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): [Tāpaetanga pūnaha hou a NZQA](#).

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.servicecentre@nzqa.govt.nz,
- waeahia rānei te NZQA Contact Centre i te 0800 687 296.

Te Mahere Aromatawai ā-waho

Te Ao Haka 91983: Te urupare ki tētahi whakaaturanga o Te Ao Haka.

Hei tohu i te Kairangi	Hei tohu i te Kaiaka	Hei tohu i te Paetae
Te tātari i tētahi whakaaturanga o Te Ao Haka me tētahi atu whakaaturanga.	Te matapaki i tētahi whakaaturanga o Te Ao Haka me tētahi atu whakaaturanga.	Te whakataurite i tētahi whakaaturanga o Te Ao Haka me tētahi atu whakaaturanga.

Te Paearu Paetae

Kairangi	Kaiaka	Paetae
Ka whai wāhi ki e whakamāori tētahi whakaaturanga o Te Ao Haka: Te whakarite hononga i waenga i te urupare hei takitahi mō te minenga tae atu ki te tirohanga whaiaro me ngā wheako.	Ka whai wāhi ki te huritao i tētahi whakaaturanga o Te Ao Haka: Te whakaaro ki te āhua o tā te whakaaturanga whakamahi i ngā āhuatanga tāpua hei whakaari i te kōrero.	Ka whai wāhi ki te urupare ki tētahi whakaaturanga o Te Ao Haka: - Te whakamārama i te kōrero o te whakaaturanga. - Te rekoata i te urupare whaiaro hei mema o te minenga.

Te Taunaki i te Aromatawai ā-waho

KR8	KR7	KA6	KA5	P4	P3	KW2	KW1
Ka whakamārama whānuitia ngā huānga e RUA, me ngā Āhuatanga Tāpua e RUA, me te whakatau whakaaro ki ōna whakamahinga katoa, i piki ai te kaha me te wehi o te whakaaturanga ki taumata kē. Ka matapakihia whānuihia ngā hononga taketake i waenganui i ngā whakatau kōrero ā-kaimātakitaki nei, me ngā whakatau wheako, whakatau tirohanga anō. Ka tautokohia ngā kōrero ki ngā rangahau tika me ngā taunakitanga hāngai pū.	Ka whakamārama whānuitia ngā huānga e RUA, me ngā Āhuatanga Tāpua e RUA, me te whakatau whakaaro ki ōna whakamahinga katoa, i piki ai te kaha me te wehi o te whakaaturanga. Ka matapakihia te hononga i waenganui i ngā whakatau kōrero ā-kaimātakitaki nei, me ngā whakatau wheako, whakatau tirohanga anō. Ka tautokohia ngā kōrero ki ngā rangahau tika me ngā taunakitanga hāngai pū.	Ka whakatau whakaaro whānui hei hunga kaimātakitaki, ki te kounga me te whakaūtanga o te huānga o te whakaaturanga. Ka whakamārama whānuitia te hononga o ngā whakaaro ki ngā huānga me ngā Āhuatanga Tāpua i roto i te whakaaturanga. Ka tautokohia ngā kōrero ki ngā taunakitanga whānui.	Ka whakatau whakaaro hei hunga kaimātakitaki, ki te kounga me te whakaūtanga o te huānga o te whakaaturanga. Ka whakamārama i te hononga o ngā whakaaro ki ngā huānga me ngā Āhuatanga Tāpua i roto i te whakaaturanga. Ka tautokohia ngā kōrero ki ngā taunakitanga tika.	Ka whakamāramahia whānuihia kia RUA ngā huānga kua whakamahia, ā, kia whā anō ngā Āhuatanga Tāpua i roto i te whakaaturanga. Ka whakamārama pū i ōna ake kupu, ki tā te tirohanga o te hunga mātakitaki, te huānga/te whakahaere o te whakaaturanga. Ka tautokohia ngā kōrero ki ētahi taunakitanga.	Ka whakamāramahia kia RUA ngā huānga kua whakamahia, ā, kia RUA anō ngā Āhuatanga Tāpua i roto i te whakaaturanga. Ka whakamārama i ōna ake kupu, ki tā te tirohanga o te hunga mātakitaki, te huānga/te whakahaere o te whakaaturanga. Ka taunakitia ngā kōrero ki ētahi rangahau.	Kua ngana ki te whakautu, ki te tuku taunakitanga engari kaore tonu i te hāngai ki te paearu. Kāore he whakautu, kāore hoki he taunakitanga.	He iti rānei, kaore rānei he taunakitanga kua tukua mai. Kāore he whakautu, kāore hoki he taunakitanga.

Ngā whakatau iho

Kairangi	Kaiaka	Paetae	Kāore i whiwhi
7 - 8	5 - 6	3 - 4	0 - 2